


PAMFLET

1375











19  
CALPE;

SIVE

Illustris ac memorabilis

VICTORIAE

IN FRETO GADITANO,

*Ductu Nobilissimi fortissimiq; Viri*

IACOBI HEEMSKERCKII;

Illustrissimorum & Potentissimorum

ORDINVM GENERALIVM

*Provinciarum Belgij foederatarum*

STOLARCHÆ,

xxv die Aprilis partæ,

brevis descriptio:

*Auctore*

BONAVENTURA VULCANIO



LYGDVNI BATAVORVM;

Excudit Thomas Basson.

ANNO M. D. CVII.

1375 20



*Ad Nobilissimos Amplissimosq; Viros*

ADRIANVM A MATHENES

Dominum in Mathenes & Opmeer,  
Consilij Status Foederatarum Belgij Provinciarum,  
Consiliarium;

ET

CORNELIVM VANDER MYLE;

Illustrissimo principi Mauritio à Nassou  
à Consilij;

*Curatores Academiae  
Leidensis.*

Dominos plurimum colendos.





EPIGRAMMA  
BONAVENTURÆ  
VULCANII.

**N**on bene scribuntur, nec mirum, carmina vati  
Cui labor & senium languida membra gra-  
vant,

At mihi, cui meliora favor dedit otia vester,

Forte novas vires, ingeniumq; dabit.

Fallor, Apollineo aut mihi pectus ab igne calescit,

Et vigor in fibras, qui fuit ante, redit.

En, Batavos celebrare audet mea Musa triumphos,

Claraque in Herculeo parta trophæa freto.

Fors erit alma brevi cantemus ut otia Pacis,

Ad quam strata armis plana patensq; via est.

CALPES



CALPES

PROSOPOEIA

**B** Attavicos Calpe dum spectat Nympha triumphos,  
 Littoraq; Hispanis sparsa cadaveribus;  
 Incensasq; videt, vel mersas aequore puppes,  
 Quae nuper terror totius orbis erant:  
 Olim, inquit, regis Roderici insana libido,  
 Me simul, & totam perdidit Hesperiam.  
 Quam vereor, regis ne immania facta Philippi,  
 In nova nos iterum damna necemq; trahant.

VICTOR



VICTORIA  
IN FRETO GADITANO  
DESCRIPTIO.



Vid foederatae Belgij provinciae  
Causa bona, & favore fretæ Numinis  
Ductu fideli Principis Mauritiij  
Tot iam per annos laude dignum gesse-  
runt;

Et quas tulere Ibero ab hoste adoreas,  
Cecinere multi; Fama quæ terrâ & mari  
Per utriusque sparfit orbis angulos,  
Miraculo futura seclis posteris.  
Ast vltima hæc, Colophonis obtinens vicem,  
Virtute parta Heemskerckij victoria,  
Gades vbi & Fretum Herculi cognomine  
Disterninare Europam ab Afris cernitur,  
Dignissima est quâ concinendâ Muscus  
Se Belgicorum exerceat vatum chorus.  
Quam dum celebros versibus gratans meis,  
Faveto Musa, nec senem me despice,  
Cui carus olim, veragens meum, fui.

Est





St Bæticae procul ultimis in finibus  
Vrbs, Gaditani in faucibus Freti sita,  
Priscis vocata Calpe; Afri Gibraltaram  
Dixere, quando parte ab illa Hispaniam  
A Iuliano proditam, ob regis scelus,  
Notamq; turpem stupri iustam filiae,  
Invasit & sibi subdidit gens Punica.  
Ad vrbs oram, parte quâ Oceanus pater  
Miscere se Tyrrhenico properans mari,  
Lunę in modum bicornis efficit Sinum,  
Spumante Moles tunfa semper stat salo  
Freto Herculis simul, imperansq; navibus  
Hac commeantibus Adriaticum in mare.  
Hispanica hoc confederat classis finu,  
Magnum minans Batavicis rebus malum.  
Cui obvians Heemskerckius periculo  
Classis magister Ordinum Generalium  
Quos unierunt arctiora foedera;  
Vires Iberum Regis ardens frangere,  
Factisque famam heroicis extendere,  
Certus mori pro patriâ, vel vincere,  
In Gaditani angustiam invectus freti,  
Hostile conspicatur agmen navium,

Pup.



Puppēsq; celsas instar altorum arcium,  
Stantes reductiore Calpes in sinu.  
Mox ergo votis nuncupatis Numini,  
Et præmijs ingentibus animans suos,  
Qui puppe signum ex hosticâ revulserint,  
Suum ipse puppe in editâ signum locat,  
Clavisq; figit vndequaue tenacibus,  
Vt abripi sine cæde maximâ haud queat.  
Sic hostium in prætoriam navim ruit  
Nave vnicâ Lambertidæ iunctâ sibi,  
Vicarioq; mandat Alterassio,  
Vt alteram sociatam habens puppim suæ,  
Prætorix vicariam hosticæ involet.  
Binæque deinde singulas sibi legant  
Ex hosticis, vt res feret, biremibus,  
Et fortiter Bataviceq; rem gerant.  
Illi parati iussa mox capeffere  
Magno feruntur hostium in classẽ impetu.  
Sed en, repente (proh dolor) globus igneus  
Prætorix hostis e biremi provolans  
Femur sinistrum Heemskerckij & vitam abstulit.  
Nihilo interim se segnius socij gerunt,  
Trucemque in hostem dimicant acerrimè

Suc-



Succensa grandiamore laudis pectora:  
Sunt præmiorum ingentium quos sponſio,  
Quæ fortitudinem etficax eſt inſitam  
Exfuſcitare, animisq̃ue calcar addere,  
Audaciores fortioresq̃ue efficit.  
Vitæ ſuæ qui mille per discrimina  
E puppe ſignum detrahunt prætoria,  
Noſtroq̃; dant victoriæ ſpem militi.  
Dij quanta pugna, quantus hîc labor viris.  
Tormenta quum diſploſa vtrinque grandia  
Ferri igneos iaculantia aſſidue globos  
In fruſtra puppes hinc & inde diſſecant,  
Et glandium vis, denſæ ad inſtar grandinis,  
Armata corpora militum tranſverberat.  
Dum vir virum ſibi quiſque, quem cædat, legit.  
Mox inde caſu quopiam noto haud ſatis  
Prætoriam flamma hoſtium puppem occupat  
Incendioq̃ue miſcet atroci omnia;  
Ignisq̃ue paſtus ſulphure & picis dape  
Immane quantum fertur arduum in æthera.  
Non Aethna tales, aut furens Veſuvius  
Iaculatur ignes e ſuis crateribus,  
Latè favillis obtegens tetrîs agros.

Ardere



Ardere cælum, ardere & vndas diceres,  
Ardere Calpen, & recurva littora.  
Proh quantus eiulatus, & clamor virum  
Nil profuturis implet aëra planctibus,  
Dum flamma miseros sorbet, aut vorax salum.  
Magister ipse classis hîc Hispanicæ  
Belgis fatis superque notus Davila  
Miseranda fit flagrantis Orci victima,  
Natumque; par acerbitas fati abstulit.  
At iam furente per fretum vi flammeâ,  
Batavicas etiam illa corripit rates;  
Multiq; res negotij nautis fuit  
(Tamen favente prosperata Numine)  
Incendium lymphâ obrutum restinguere.  
Ergo ingruente Vespero, receptui  
Canens Batava classis. amisso, heu, duce,  
Noctem peregit illam in anchoris cubans,  
Puppessq; quassas, & refecit corpora.  
At posterus lucescere ut cœpit dies,  
Eadem vnde se receperat petit loca  
Quum sparsa ad oram littoris cadavera  
Et conspiciantur hostium ambustas rates  
Fluitare per fretum, omnibus vacuas viris.

Nul



Nullamq; iam superesse tot de navibus  
Quæ Nerei fulcare possit æquora.  
Mox persolutis gratijs meritis Deo,  
Classẽ Batava gens reduxit integram,  
Vno ore menteq; concinens epinicia.  
Ast Te, Stolarcha Heemskerke, cui memorabilis  
Debetur ista, post Deum, victoria,  
Pro patriæ salute non dubio mori,  
Vivace penna Fama in æthera evchet;  
Tuque ob paratam adorem Herculeo in freto,  
Batauicus vocabere æternum Hercules;  
Tholoq; fixa trophæa sublimi tua,  
Amstelrodâma in vrbe, Pluti regiâ,  
Quæ cive tanto illustrior multo cluit,  
Et hæc, & ætas omnis admirabitur.

F I N I S.









Nu  
Qu  
Mo  
Cla  
Vn  
Aft  
De  
Pro  
Viv  
Tu  
Bat  
Th  
An  
Qu  
Et



